

全立典契字人胞弟其印等有承父遺下建置大宗福德會捌人內應分抽出壹分爲胎今因乏銀使用自情愿將此福德會壹分出典先儘問房親人等不欲承交外托中引就送與胞兄其節出首承典三面言議時值價銀玖大員捌角正庫秤重伍兩捌錢捌分正其銀即日憑中交訖全年原坐納銀稅粟捌斗參升官分作早晚貳冬對福德會友該分應分交納不敢少欠升合如是少欠升合任從將福德會壹分付與銀主掌管永遠爲業不敢阻當之事委係其印有承父建置應得會壹分物業與別房至親人等無干亦無重張典掛他人財物及來歷不明等情如有此等係其印自抵當不干銀主之事日後不得異言生端阻當滋事日後不準脫典別人自己取贖限至不拘年備契內銀併中管禮銀齊足送還明白取出原契如銀未到不在此限此是二比甘愿各無抑勒反悔恐口無憑今欲有憑全立典契字壹紙付執爲炤

即日收過契內銀玖大員捌角正庫秤重伍兩捌錢捌分重完足再炤

代書人堂侄 秋詩（花押）

爲中人堂侄 秋吟（花押）

知見銀人胞弟 其印（成）

光緒廿七年貳月 日

全立典契字人 胞弟其印（成）

